


鐵嶺縣志

卷五



# 鐵嶺縣志卷五

## 教育志

鐵嶺教育遠不足徵遼金元時代雖隸版圖而文化莫及降及有明專事防邊設衛於此居者不過園丁果戶千餘家受徭役而已教育云乎哉清順治十五年復陽先生雪海郝公來此築室於銀岡之麓講學授徒說禮樂敦詩書文化漸開士知向學召還後留其室爲書院名曰銀岡公謫人也鐵嶺文化不有公其誰啓之厥後人文蔚起科第連綿或窮經術或究理學或攻經濟或擅詞章代有傳人稱文風之盛今又學校如林多士有慶猗歟先覺來者勿忘儻此後後覺有人以後覺而再覺後覺斯乃無負此先覺也夫志教育

鎌  
嶺  
縣  
志

鐵嶺縣志卷五

學宮

鐵嶺縣儒學在城內東南隅考舊志明正統元年於鐵嶺衛治東南建學宮嘉靖十六年重修後廢清康熙三十七年知縣許志進於此捐建聖殿三楹櫺星門一楹五十年知縣焦獻猷捐修明倫堂三楹復議建崇聖祠三楹乾隆二十八年訓導趙文琳捐修東西廡各三楹戟門一座開鑿泮池增建櫺星門爲三楹光緒六年訓導劉玉琳復行捐修孔廟今制計大成殿三楹東西廡各三楹焚燎所一戟門三楹門外左爲忠孝祠祀李如松邵義今改左爲孝弟祠右爲鄉賢祠及節孝祠泮池一座週建石欄再南爲櫺星門大成殿後即

崇聖祠制亦三楹康熙二十五年御製聖贊頒布天下勒石學宮又頒  
御書萬世師表匾額雍正元年追封五代王爵改

啓聖祠爲

崇聖祠二年詔祀

先師以太牢頒御書生民未有匾額乾隆元年奉頒御書與天地參匾  
額嘉慶五年奉頒御書聖集大成匾額道光三年奉頒御書聖協時中  
匾額咸豐二年奉頒御書德齊疇載匾額同治三年奉頒御書聖神天  
縱匾額光緒二年奉頒御書斯文在茲匾額二十四年升列大祀

崇聖祠薦用太牢宣統元年奉頒中和位育匾額悉恭揭大成殿以誌  
尊崇民國三年八月頒定祀孔典禮改稱

文廟爲

孔廟一如舊制

附歷代褒封及祀典

漢平帝元始元年封孔子後爲褒成侯奉其祀追謚孔子曰褒成宣尼

公漢書本紀

梁武帝天監四年正月置五經博士各一人分遣博士祭酒巡州郡立學六月初立孔子廟資治通鑑

北魏太和十六年改謚宣尼曰文聖尼父告謚孔廟

魏書本紀

後齊制新立學必釋奠禮於先聖先師每歲春秋二仲常行其禮

隋書禮儀

隋文帝開皇時贈孔子爲先師尼父

闕里志

唐太宗貞觀二年左僕射房玄齡等建議武德中詔釋奠於太學以周公爲先聖孔子配享臣以爲周公尼父俱稱聖人庠序釋奠本緣夫子故晉宋梁陳及隋大業故事皆以孔子爲先聖顏回爲先師歷代所行古今通允請停祭周公升孔子爲先聖以顏回配享從之

文獻通考

貞觀四年詔州縣學皆立孔廟

新唐書禮樂志

貞觀十一年詔尊孔子爲宣父

新唐書禮樂志

高宗永徽中復以周公爲先聖孔子爲先師

新唐書禮樂志

顯慶二年太尉長孫無忌等議曰仲尼生衰周之末拯文喪之弊祖述堯舜憲章文武宏聖教於六經闡儒風於千古故孟子稱生民以來一人而已自漢以來奕葉封侯崇奉其聖胡可降茲上哲俯入先師今請

改令從詔於義爲允貞觀爲詔永徵爲令其周公仍依別禮配享武王詔從之

文獻通考

顯慶三年詔先聖廟用宣和之舞

文獻通考

乾封元年追贈孔子爲太師

文獻通考

咸亨元年詔州縣皆營孔子廟

新唐書禮樂志

天授元年封孔子爲隆道公

文獻通考

神龍元年以鄒魯百戶封隆道公謚曰文宣

舊唐書禮議志

開元二十七年詔夫子既稱先聖可謚曰文宣王以其嗣爲文宣公任  
州長史代代勿絕先時孔廟以周公南面夫子坐西墉下貞觀中廢周  
公祭而孔子位未改至是一京國子監天下州縣夫子始皆南向以顏

回配贈諸弟子爵

新唐書禮樂志

又敕兩京及兗州舊宅廟像宜改服袞冕其諸州縣廟宇既小但移南面不須改衣服

文獻通考

宋真宗大中祥符元年加謚孔子曰元聖文宣王

宋史本紀

二年詔文宣王廟木圭易以玉賜桓圭一加冕九旒服九章從上公之制春秋釋奠用中祀

闕里文獻考

五年改謚元聖文宣王爲至聖文宣王

闕里文獻考以國諱故

宋徽宗崇寧初詔文宣王殿以大成爲名

宋史禮制

金皇統元年上親祭孔子廟北面再拜

金史本紀

世宗大定十四年加宣聖像十二旒十二章

春明夢餘錄

孔子廟門置下馬牌

闕里志

明太宗洪武七年仲春上丁日食改用仲丁

明會典

十五年詔天下通祀孔子並頒釋奠儀注

明史禮制

是年孔子以下去塑像易木主

闕里志

十七年勅每月朔望郡縣長吏以下詣學宮行香

明史禮志

二十年罷武成廟獨尊孔子

春明夢錄

武成謂太公

卷之三

二十六年頒大成樂於天下

明史禮樂

孝宗九年增樂舞爲七十二人如天子制

明史禮志

清順治二年諭禮部孔廟謚號加稱大成至聖文宣先師孔子

九經

雍正三年命州縣丁祭用太牢

五年二月諭廷臣曰至聖先師孔子師表萬世八月二十七日爲聖誕

之期理應虔肅致敬著內閣九卿會同確議僉曰恭值至聖誕辰內外文武各官及軍民人等致齋一日不理刑事禁止屠宰永著爲令

乾隆六年命定先師廟禮樂

位次

大成殿

至聖先師孔子   字仲尼周敬王二十四年魯哀公誄曰尼父

東配二位

復聖顏子   諱回字淵魯人漢高帝十二年配享唐貞觀三年詔稱

先師總章元年贈太子少師太極元年贈太子太保開元二十七年贈褒國公元至順元年加封充國復聖公明嘉靖九年改稱復聖顏

子

宗聖子思子 謚伋字子思孔子孫宋崇寧元年封沂水侯大觀二年從祀端平二年升列十哲咸淳三年配享封沂國公元至順元年加封沂國述聖公明嘉靖九年改稱宗聖子思子

西配二位

述聖曾子 謚參字子輿魯南武城人唐總章元年贈太子少保太極元年贈太子太保開元二十七年贈鄒伯宋大中祥符二年封瑕邱侯政和元年封武城侯咸淳三年配享封鄒國公元至順元年加封鄒國宗聖公明嘉靖九年改稱述聖曾子

亞聖孟子 謚軻字子輿一字子車鄒人宋元豐六年封鄒國公立

廟鄒縣七年配享元至順元年封鄒國亞聖公明嘉靖九年改稱亞

聖孟子

東序六位

先賢閔子 謚損字子騫魯人唐開元八年從祀二十七年贈費侯  
宋大中祥符二年贈鄆琊公咸淳三年封費公明嘉靖九年改稱先  
賢以下十二哲及東西兩廡均因明嘉靖九年改稱先賢儒厥後升  
祀復祀增祀者並如嘉靖間改稱之例

先賢冉子 謚雍字仲弓魯人唐開元八年從祀二十七年贈薛侯  
宋大中祥符二年贈下邳公咸淳三年封薛侯

先賢端木子 謚賜字子貢衛人唐開元八年從祀二十七年贈黎

侯宋大中祥符二年封黎陽公咸淳三年封黎公

先賢仲子 譚由字子路一字季路魯卞人唐開元八年從祀二十

七年贈衛侯宋大中祥符二年封河內公咸淳三年封衛公

先賢卜子 譚商字子夏衛人檀弓疏魏人鄭康成曰溫國卜商唐

貞觀二十一年從祀二十七年贈魏侯咸淳臨安志作衛侯宋大中

祥符二年封河東公咸淳三年封魏國公

先賢有子 譚若字子若史記作子有魯人唐開元二十七年從祀

卞伯宋大中祥符二年封平陰侯清乾隆三年升列十二哲

西序六位

先賢冉子 譚耕字伯牛魯人唐開元八年從祀贈鄆侯宋大中祥

符二年封東平公咸淳三年封鄆公

先賢宰子 譚予字子我魯人唐開元八年從祀二十七年贈齊侯

宋大中祥符二年封臨淄侯咸淳三年封齊公

先賢冉子 譚求字子有魯人唐開元八年從祀二十七年贈徐侯

宋大中祥符二年封彭城公咸淳三年封徐公

先賢言子 譚偃字子游吳人唐開元八年從祀二十七年封吳侯

宋大中祥符二年封丹陽公咸淳三年封吳公

先賢顓孫子 譚師字子張陳人唐開元二十七年從祀贈陳伯宋

大中祥符二年封宛邱侯政和元年改封顓川侯咸淳三年封陳侯

升十哲

先賢朱子

諱熹字元晦一字仲晦宋徽州婺源人謚曰文贈大中

大夫寶謨閣直學士寶慶三年贈太師封信國公紹定三年改封徽

國公淳祐元年從祀元至正二十二年改封齊國公明嘉靖九年改

稱先儒崇禎十五年改稱先賢位漢唐諸儒上清康熙五十一年升

列十二哲

東廡先賢四十位

先賢公孫僑

字子產鄭大夫唐開元二十七年從祀明嘉靖九年

改祀於鄉清光緒三十四年復祀稱先賢

先賢林放

字子郢魯人孔子門人唐開元二十七年從祀贈清河

伯宋大中祥符二年封長山侯明嘉靖九年改祀於鄉雍正二年復